

მეორე მატჩის იმედით

თბილისი. “ლოკომოტივის” სტადიონი. 15 მარტი.

“დინამო” (თბილისი) - “კრილია სოვეტოვი” (კუიბიშევი) - 0:0.

“დინამო”: ურუშაძე, ძოძუაშვილი, კანთელაძე, ხურცილავა, ხინჩაგაშვილი, პეტრიაშვილი, კუტივაძე, ასათიანი, მეტრეველი, გ. ნოდია, ლ. ნოდია (გავაშელი).

“კრილია სოვეტოვი”: ბლოხინი, კობილსკოვი, სახაროვი, პლატონოვი, მარტინოვი, პანფილოვი, კორაბლიოვი, ბლინკოვი, კუპრიანოვი, კაზაკოვი, არიაპოვი.

მსაჯი: გ. ბალდასაროვი (ტაშკენტი).

სსრ კავშირის თასის გათამაშების კენჭისყრამ თბილისის “დინამოს” პირველ მეტოქედ კუიბიშევის “კრილია სოვეტოვი” არგუნა. რა თქმა უნდა, ჩვენი მონინალმდევე არ მიეკუთვნება პირველი კატეგორიის სიძლიერის გუნდებს და ამიტომ კენჭისყრა იღბლიანად შეიძლება მივიჩნიოთ, მითუმეტეს, რომ მეთექვსმეტედფინალში გუნდები ორჯერ ხვდებიან ერთმანეთს და შემთხვევითობის ელემენტიც ამ პირობებში მინიმუმამდეა დაყვანილი.

და აი, ამ ეტაპის პირველი საფეხური განვლილია. დინამოელები კი სწორედ ამ “შემთხვევითობის ელემენტის” წინაშე დგანან, ვინაიდან პირველმა მატჩმა საკუთარ მინდორზე ვერაფერი სახიერო მოგვიტანა და ახლა სოჭის სტადიონის იმედით უნდა ვიყოთ, სადაც განმეორებითი შეხვედრა შედგება 19 მარტს.

რატომ მოხდა ასე? რა სიურპრიზს წაანყდნენ თბილისელები “კრილია სოვეტოვის” მხრივ, რომ საკუთარ მინდორზე ვერ შეძლეს გამარჯვება?

არავითარი სიურპრიზი არ მომხდარა: კუიბიშეველებმა ითამაშეს ისე, როგორც ჩვენ ეს გვინახავს, 1946 წლიდან მოყოლებული დღემდე. ამ გუნდს ხუთი თითოვით ვიცნობთ: შუა მინდორზე მას დაცვის პირველი გაძლიერებული ხაზი ჰყავს, რომელიც ძალების მაქსიმალური დაძაბვით იბრძვის მეტოქის იერიშის ჩასახშობად მისი წამოწყების პირველივე ფაზაში, სანამ საქმეში ფორვარდები ჩაერევიან. თუ ეს მანევრი არ განხორციელდა, ბრძოლაში ებმება კუიბიშეველთა მთავარი ძალა - დაცვა, ე.ი. 6-7 ფეხბურთელი საჯარიმო მოედანზე, რომლებიც ისე მჭიდროდ ეთამაშებიან მონინალმდევეებს, რომ მათ, უბრალოდ, საშუალება არა აქვთ შეასრულონ ტექნიკური ელემენტები, დაამუშაონ ბურთი ან კარში გაგზავნონ იგი.

ეს ყველაფერი კარგადაა ცნობილი. მაგრამ დინამოელებმა ვერაფრით ვერ მოუძებნეს გასაღები სტუმრების “ბოქლომს”, ვერ შეძლეს დაეცლინათ ერთმანეთს მათი მცველები, რომლებიც დიდ სიმჭიდროვეში ახერხებენ იერიშების განელებას.

“დინამომ” ნელ ტემპში დაიწყო თამაში და ეს იყო პირველი შეცდომა, რომელმაც განსაზღვრა მატჩის შემდგომი მსვლელობა. ჩვენი ნახევარმცველები ზედმეტად ატარებდნენ ბურთს, აყოვნებდნენ გადაცემებს, შუა მინდორის გავლას დიდხანს უნდებოდნენ, ეს კი ხელს უწყობდა კუიბიშეველებს საკუთარი “სანგრების” გამაგრებაში. ამას დაემატა ისიც, რომ თბილისელთა თავდასხმა ინიციატივას ნაკლებად იჩენდა, ჯგუფდებოდა საჯარიმო მოედანზე და მოვლენათა მსვლელობის იმედით იყო დარჩენილი. და ეს მაშინ, როცა კუიბიშეველთა დაცვა უდიდესი თავგანწირვით იბრძოდა და ბურთთან, როგორც წესი, პირველი იყო. თუ რამდენიმე შორეულ, ერთობ

უზუსტო დარტყმას არ მივიღებთ მხედველობაში, ბლოხინს დიდი ჯაფა არ დადგომია. მცველები მის საქმეში ჩარევამდე ახერხებდნენ ხიფათის უვნებელყოფას.

დინამოელებმა სრულ უპირატესობას მიაღწიეს მეორე ტაიმში, მაგრამ ნახევარმცველები და თავდამსხმელები ისევ უსისტემოდ, ქაოტურად თამაშობდნენ. მაშინ თავიანთი სიტყვა თქვეს მცველებმა - ძოძუაშვილმა, ხურცილაყამ ხინჩაგაშვილმა, რომლებიც შეტევის უშუალო მონაწილეები გახდნენ, რეიდს რეიდზე ასრულებდნენ, მაგრამ საქმეს მაინც არათფერი ეშველა.

რამდენიმე სიტყვა გვინდა ვთქვათ ჩვენს მარცხენა გარემარბზე. ჯერ ერთი, ლ. ნოდია მეტისმეტად იზღუდება თავისი ფლანგიით და “გარეშე საქმეებში” არ ერევა. მაღალი კლასის თანამედროვე ფორვარდები ახლა ასეთი “ვინრო კვალიფიკაციით” არ იფარგლებიან; მეორეც, - ნუთუ მას თავის ტექნიკურ არსენალში დრიბლინგის მხოლოდ ერთი იარაღი აქვს და მეტი არათფერი? 60 წუთის მანძილზე, რაც ლ. ნოდია მინდორზე იყო, იგი მხოლოდ ერთ, “ობოლ” იღეთს ასრულებდა და სწორედ იმას, რომლის საიდუმლოება კობილსკოვმა პირველივე შესრულებაზე გაიგო და აბსოლუტურად გამოთიშა ჩვენი თავდამსხმელი თამაშიდან. ლ. ნოდისა და კობილსკოვის ყოველი შეტაკება ამ უკანასკნელის სასარგებლოდ მთავრდებოდა და თბილისელს აზრადაც არ მოსვლია შეეცვალა თამაში, სხვა ტაქტიკური გზა მოეძებნა შეტევის განვითარებისთვის.

ერთი სიტყვით, 90 წუთი ისე გავიდა, რომ დინამოელებმა ვერათფერი მოუხერხეს “კრილია სოვეტოვს” და უგოლოდ დატოვეს მინდორი.

ბ. ქორქია.

“ლელო”, 17 მარტი, 1971 წ.